



A: Bosna i Hercegovina
Federacija Bosne i Hercegovine
Zeničko-dobojski kanton
OPĆINA TEŠANJ
OPĆINSKO VIJEĆE
Trg Alije Izetbegovića 11, 74260 Tešanj

PRIJEDLOG

Na osnovu člana 49. Zakona o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“, broj: 35/05), člana 14. i 33. Statuta Općine Tešanj (*Službeni glasnik općine Tešanj*, broj: 11/07), Općinsko vijeće Tešanj na svojoj ____ sjednici održanoj _____ godine d o n o s i,

O D L U K U

o osnivanju Mjesnih ureda Općine Tešanj u Kaloševiću i Šijama

Član 1.

Ovom Odlukom osnivaju se Mjesni uredi Općine Tešanj u Kaloševiću i Šijama (u daljem tekstu Uredi).

Član 2.

Uredi se radi zadovoljenja potreba i interesa lokalnog stanovništva osnivaju u sastavu nadležne Službe općine Tešanj za opće poslove, a obavljaće dio poslova iz nadležnosti te Službe i druge poslove iz nadležnosti općinskog organa uprave.

Član 3.

Poslovi koji se u Uredima obavljaju su: poslovi prijema zahtjeva i ovjere dokumenata, poslovi matičara, poslovi izdavanja uvjerenja, poslovi pružanja pravne pomoći i drugi poslovi.

Član 4.

Općinski načelnik će odlukom regulisati način rada i rukovođenja, obaveze i ovlaštenja uposlenih, radno vrijeme i broj dana kojima će se raditi u Uredima, te o potrebi promjene u djelokrugu poslova, koji će se u Uredima vršiti.

Član 5.

Sjedište Mjesnih ureda općine Tešanj je u objektima u kojima su smještene i MZ-ice u Kaloševiću i Šijama.

Član 6.

Ova Odluka stupa na snagu narednog dana od dana objavljivanja u „Službenom glasniku Općine Tešanj“.

PREDSJEDAVAJUĆI VIJEĆA

Subašić Esmir

O B R A Z L O Ž E N J E

I - Pravni osnov

Pravni osnov za donošenje ove odluke čini: član 49. Zakona o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“, broj: 35/05), član 14. i 33. Statuta Općine Tešanj (*Službeni glasnik općine Tešanj*, broj: 11/07).

II - Razlozi donošenja

Članom 33. Statuta Općine Tešanj (*Službeni glasnik općine Tešanj*, broj: 11/07) je regulisano da za obavljanje određenih poslova iz nadležnosti općinskih službi za upravu mogu se za jedno ili više naseljenih mjesta osnovati mjesni uredi izvan sjedišta općinskih službi za upravu.

Uredi se osnivaju radi efikasnog pružanja usluga, zadovoljenja potreba i interesa lokalnog stanovništva. Prvi Ured uređen na principima elektronske uprave i potpune integracije u informacijski sistem općinske uprave korištenjem optičke veze jeste bio Ured općine Tešanj u Jelahu i to 2006. godine. Već 2008. godine otvoren je Ured i na Tešanjci. I jedan i drugi opravdali su svoje postojanje kroz smanjenje troškova građanima za putovanje ili izdvojeno vrijeme za usluge općinske uprave. Općina je planski gradila vlastiti prostor za ovakve namjene, tamo gdje se ukazala prilika za to (Tešanjka, Kalošević).

Razvoj optičke mreže u vlasništvu KTV Ege, sa kojima općina ima dobru saradnju svih ovih godina, omogućio je da se mogu otvoriti Uredi u Kaloševiću i Šijama na istim principima. Radno vrijeme i način rada ovih Ureda jeste stvar koja će se uređivati na nivou menadžmenta općinske uprave, a shodno opravdanosti troškova, koristi za građane i sl.

Kako je prijedlog ove Odluke opravdan i utemeljen, podnosimo Općinskom vijeću isti na razmatranje.

OBRADIVAČ

Služba za društvene djelatnosti
komunalne poslove i ekologiju

mr. sc. Suad Huskić, profesor

PREDLAGAČ

Općinski načelnik

Fuad Šišić, dipl. ing. maš.

Broj: 03-02-1-2015/12.

Datum: 19.06.2012. godine